

INUIT ATAQATIGIIT

INATSISARTUNI



20. oktober 2016

Taamaamat matumuuna Inatsisartut suleriaasianni § 37 naapertorlugu Naalakkersuisunut makku apeqqutigerusupavut:

Apeqqutit:

- 1. Kujataani Qaqortup kujammut kangiani 17 km-inik ungasissulimmi Itilliarsuup ikerasalioneqarnera angallannermi isumannaallisaaneq pillugu periarfissatut Naalakkersuisunit isigineqarpa?**
- 2. 1 akuerineqassappat takorloorneqarsinnaava Sisimiuni Sanaartornermut Ilinniarfimmi / Aatsitassarsiornermut Ilinniarfimmi ilinniartitsinermit atatillugu suliatut aalajangersimasut ingerlanneqarnissaa**

(Inatsisartuni Ilaasortaq Debora Kleist, Inuit Ataqatigiit)

Tungavilersuut:

Angallannermit isumaqatigiissusiornerup ilaatigut takutippaa imaatigut angallanneq suli annerusumik isumannaallisaaviusariaqartoq eqaallisarneqartariaqartorlu.

Angallatit minnerusut sukkasuuliaasullu kiisalu saannerusunik amillit atugaalermata aammalu imaatigut angallassineq annertunerulermit imarluttartuni sikoqartartunilu ilaasunik angallasserup navianartoqassusia atuisartunit eqqumaffigineqariartuinnarpoq.

Kujataani imaatigut angallanneq eqqarsaatigalugu pissutsit imaannaanngillat. Ukiukkut imarluttaqaaq tassami Atlantikup avannaani naqitsiniisaffeqarfiup anorlerajutsitsinera malunniusimasaqimmat, kiisalu upernaakkut sikorsuaqalersarpoq angallannermit akornutaasaqisumik.

Itilliarsuk Kujataata avannarpasinnerusortaata kujasinnerusortaatalu akunnerpiaaniippoq. Taamaakkamilu ullumikkut ikerasaliaqanngikkaluartoq imarluppallaartillugu sikorsuaqartillugulu aqqutigilluarneqartarluni. Kujammut avannamullu ingerlaniartilluni Itilliarsuup kitaani kangeq assut imarluttartoq pujorajuttoq aqqutigisariaqartarpoq.

Itilliarsuup ikerasalioneqarnissaa qangali eqqarsaataasaraluartoq massakkut imaatigut angallanneq annertusiartuinnarmat ikerasaliortoqarnissaa suli pisariaqarnerulersimavoq pingaaruteqarlunnersimallunilu.

Kissaatigaara ulluni qulini suliffiusuni apeqqutikka akineqassasut.